



Bosnia and Herzegovina
Federation of Bosnia and Herzegovina

CANTON SARAJEVO
Ministry of Traffic
Road Directorate

Broj: 04-11-54463/25
Sarajevo, 02.12.2025. godine

Na osnovu člana 14. stav (4), člana 17. stav (3) i stav (4), člana 18. stav (1), člana 24. stav (1) tačka a) i člana 28. Zakona o javnim nabavkama („Službeni glasnik BiH“, br. 39/14, 59/22 i 50/24) te Zahtjeva za pokretanje postupka javne nabavke Odjeljenja za studije, projektovanje, rekonstrukciju i izgradnju puteva i objekata, a u skladu sa ukazanom potrebom, Direktor Direkcije za puteve Kantona Sarajevo donosi

POSEBNU ODLUKU

o pokretanju postupka javne nabavke

Nepredviđeni radovi na projektu rehabilitacija (sanacija) dijela prstena Ilidža-Bašćaršija-Ilidža i trotoara, dionica Skenderija-Vijećnica-Vječna vatra

I. PREDMET NABAVKE

Ugovorni organ, u skladu sa ukazanom potrebom, pokreće postupak javne nabavke za nabavku radova: „Nepredviđeni radovi na projektu rehabilitacija (sanacija) dijela prstena Ilidža-Bašćaršija-Ilidža i trotoara, dionica Skenderija-Vijećnica-Vječna vatra“, JRJN: 45233120-6 (Građevinski radovi na cesti).

II. BUDŽET I RASPOLOŽIVOST NOVČANIH SREDSTAVA

U Budžetu Kantona Sarajevo su predviđena sredstva za predmetnu nabavku, budžetska pozicija 821600 EBX 035.

III. PROCIJENJENA VRIJEDNOST

Procijenjena vrijednost za javnu nabavku iz člana I. ove posebne odluke je 24.750,00 KM bez PDV-a.

IV. VRSTA POSTUPKA

Ugovorni organ će dodijeliti ugovor putem pregovaračkog postupka bez objave obavještenja.

Postupak će se provesti sa jednim ponuđačem, uz poštivanje principa Zakona o javnim nabavkama, i to sa:

„STRABAG“ d.o.o. Sarajevo, odnosno izvođačem radova po osnovu UGOVORA za radove „REHABILITACIJA DIJELA PRSTENA ILIDŽA- BAŠĆARŠIJA-ILIDŽA I TROTOARA,



Adresa: Hamida Dizdara 1, 71 000 Sarajevo
Tel:+387(0)33 560-402, Fax:+387(0)33 560-426
Web: <http://ms.ks.gov.ba>, E-mail: dp@dp.ks.gov.ba

DIONICA: SKENDERIJA- VIJEČNICA- VJEČNA VATRA, L=CCA 2800M, FAZA I: OD P1 (KM0+000) DO P54 (KM1+060), UKUPNE DUŽINE L=CCA 1060M“, broj: 04-11-7162-U1/24 od dana 08.07.2024. godine, a u vezi s čijim izvršenjem je nastala potreba za dodatnim radovima.

V. KRITERIJ ZA DODJELU UGOVORA

Kriterij za dodjelu ugovora je najniža cijena.

VI. KOMISIJA ZA NABAVKU

Za provedbu postupka javne nabavke, otvaranje i ocjenu ponuda sačinjit će komisija koja će se imenovati odlukom ili rješenjem.

Sastav i djelokrug rada Komisije za nabavku utvrdit će se odlukom ili rješenjem, a u skladu sa zakonom i podzakonskim aktima.

VII. OSNOV ZA NABAVKU I SASTAVNI DIJELOVI

Postupak javne nabavke provest će se u skladu sa Zakonom o javnim nabavkama, podzakonskim i internim aktima te Zahtjevom za pokretanje postupka javne nabavke Odjeljenja za studije, projektovanje, rekonstrukciju i izgradnju puteva i objekata.

Sastavni dio ove posebne odluke je Zahtjev za pokretanje postupka javne nabavke Odjeljenja za studije, projektovanje, rekonstrukciju i izgradnju puteva i objekata sa priložima.

VIII. OBJAVA OSNOVNIH INFORMACIJA U VEZI POSTUPKA

Ugovorni organ će putem svoje internet stranice objaviti informaciju o provođenju predmetnog postupka i obavijestiti sve zainteresirane kandidate/ponuđače da je tenderska dokumentacija dostupna na pismeni zahtjev te da će se ista dostaviti u elektronskoj formi u nepromjenjivom obliku.

IX. STUPANJE NA SNAGU

Ova posebna odluka stupa na snagu danom donošenja.

OBRAZLOŽENJE

Dodatni radovi su nastali u vezi sa izvršenjem „REHABILITACIJA DIJELA PRSTENA ILIDŽA-BAŠČARŠIJA-ILIDŽA I TROTOARA, DIONICA: SKENDERIJA- VIJEČNICA- VJEČNA VATRA, L=CCA 2800M, FAZA I: OD P1 (KM0+000) DO P54 (KM1+060), UKUPNE DUŽINE L=CCA 1060M“, broj: 04-11-7162-U1/24 od dana 08.07.2024. godine, vrijednost ugovora: 2.089.837,56 KM bez PDV-a, zaključenog između Direkcije za puteve Kantona Sarajevo i „STRABAG“ d.o.o. Sarajevo, kao izvođača radova (u nastavku „Ugovor“).

Prilikom realizacije ugovorenih radova na projektu rehabilitacija (sanacija) dijela prstena Ilidža - Bašćaršija-Ilidža i trotoara, dionica Skenderija - Vijećnica-Vječna Vatra, L=cc2800m, utvrđeno je da je postojeća konstrukcija mosta preko Koševskog potoka već dotrajala, a što nije bilo vidljivo ni tretirano prilikom izrade projektne dokumentacije. Most preko Koševskog potoka nalazi se unutar



Adresa: Hamida Dizdara 1, 71 000 Sarajevo
Tel:+387(0)33 560-402, Fax:+387(0)33 560-426
Web: <http://ms.ks.gov.ba>, E-mail: dp@dp.ks.gov.ba

obuhvata „HUK Sarajevo“ koji je Komisija za očuvanje nacionalnih spomenika proglasila nacionalnim spomenikom BiH. Kako bi se spriječilo dalje propadanje mostovske konstrukcije, nastanak štete na saobraćajnici i ugrožavanje sigurnosti odvijanja saobraćaja, neophodno je hitno izvesti dodatne radove na ojačanju konstrukcije mosta, a koji nisu bili predviđeni projektnom dokumentacijom, a prema Rješenju federalnog građevinskog inspektora, broj: 04-23-12958-3/22 od 26.08.2024. godine. Navedenim Rješenjem nalaže se da se pristupi realizaciji „plana hitnih interventnih mjera za ojačanje glavnih nosača čelične konstrukcije mosta preko Koševskog potoka“, prema projektnoj dokumentaciji koju Direkciji dostavi JP Ceste FBiH, a da se navedeni radovi izvedu u roku od 60 dana. Shodno tome, Direkcija za puteve Kantona Sarajevo je provela poseban postupak javne nabavke izbora izvođača, ali neuspješno. U međuvremenu je od strane JP Ceste FBiH raspisana JN izbora izvođača radova kompletne rekonstrukcije predmetnog mosta, te je shodno tome sada potrebno izvršiti privremeno podupiranje postojeće mostovske konstrukcije.

Prilikom izvođenja radova na sanaciji pješačke staze ukazala se potreba za zatvaranjem otvora podrumskih prostorija objekata koji se nalaze uz pješačku stazu, obzirom da se ti otvori više ne koriste, a ulaze u slobodni profil pješačke staze, dok navedeno nije bilo obuhvaćeno projektom. Radovi se izvode uz saglasnost stanara objekata.

Prilikom izvođenja radova također se ukazala potreba za nivelisanjem telekomunikacione sobe kod Glavne pošte koja je bila ispod asfalta pješačke staze i nije se imalo podataka o njenim tačnim kotama, a ti radovi su obimniji i nisu bili obuhvaćeni projektom.

U toku izvođenja radova pojavila se problematika kanaliziranja saobraćaja te je iz sigurnosnih razloga ukazala se potreba za iscrtavanjem privremene horizontalne saobraćajne signalizacije na nosećem dijelu kolovoza.

Obzirom na značajnije korekcije nivelete puta za kojom se ukazala potreba u cilju adekvatnog rješavanja odvodnje saobraćajnice, uklapanja asfalta u kote šina koje su neravne i dijelom deformisane na dijelu između profila, bilo je potrebno da se izvrši i korekcije kota pješačke staze. Dio pješačke staze koji je već dignut ne predstavlja problem, međutim dio pješačke staze kod Narodnog pozorišta koji je od granitne kocke i koji nije projektom bio predviđen za radove, se treba da niveliše sa novom kotom asfalta.

Prilikom pripreme za asflatiranje od strane nadležnog komunalnog preduzeća za vodovod i kanalizaciju smo obavješteni da ne raspolažu uličnim kapama koje je potrebno zamjeniti na saobraćajnici i da iste neće moći duži vremenski period nabaviti. Shodno tome, ukazala se potreba za nabavkom istih kako bi se radovi na saobraćajnici mogli završiti u što skorijem vremenskom periodu.

Posljednja stavka se odnosi na izmjenu u projektu saobraćajne signalizacije koja se odnosi na vođenje saobraćaja na raskrsnicama i koji se direktno odražavaju na sigurnost odvijanja saobraćaja.

Saobraćajnica koja je predmet ugovora je se nalazi u užem centralnom jezgru Sarajeva sa PGDS-om od preko 33000 vozila dnevno što znači da je premašila svoje kapacitete, tj. da je izuzetno saobraćajno opterećena i zagušena, sa jako izraženim pješačkim saobraćajem koji generiše veliki broj objekata od komercijalnog, kulturno-historijskog i administrativnog karaktera (pored stambenog dijela), a radovi se izvode pod saobraćajem. Obustavljanje radova bi se jako negativno odrazilo na odvijanje saobraćaja i svakodnevne aktivnosti tog dijela grada, a saobraćaj se na istoj ne



može značajnije mijenjati i obustavljati, posebno ne dugotrajno obustavljati. Svi radovi koji su predmet ove nabavke su direktno vezani za osnovne radove i ne mogu se odvojiti, odnosno njihovo odvajanje bi onemogućilo završetak radova po projektu i negativno bi se odrazilo na protok i sigurnost odvijanja kolskog i pješačkog saobraćaja.

Uzimajući u obzir da se gore navedeni radovi ne mogu tehnički odvojiti od osnovnog ugovora, potrebno je provesti postupak javne nabavke za dodatne/nepredviđene radove koji su nepohodni za izvođenje kako bi se projekat stručno i tehnički ispravno realizovao do kraja.

Odjeljenja za studije, projektovanje, rekonstrukciju i izgradnju puteva i objekata podnijelo Zahtjev za pokretanje postupka javne nabavke radova za: „Nepredviđeni radovi na projektu rehabilitacija (sanacija) dijela prstena Ilidža-Baščaršija-Ilidža i trotoara, dionica Skenderija-Vijećnica-Vječna vatra“.

Podnosilac zahtjeva je podnio dokaz o izvršenom istraživanju tržišta.

Predmet nabavke nije podijeljen na lotove iz razloga što ne postoji ekonomska opravdanost, odnosno što bi podjela na lotove bila nesvrshishodna.

U postupku po Zahtjevu za pokretanje postupka javne nabavke i njegovim priložima, utvrđeno je da je isti osnovan i da sadrži sve potrebne elemente za odlučivanje.

Pri donošenju ove posebne odluke, ugovorni organ se posebno rukovodio činjenicom da je predložena nabavka neophodna, da je realno procijenjena vrijednost predmeta nabavke na tržištu i da su osigurana sredstva za isplatu.

Posebna odluka o pokretanju javne nabavke je donesena jer predmetni postupak nabavke nije obuhvaćen Planom javnih nabavki za 2025. godinu. Naime, u postupku donošenja Plana javnih nabavki za 2025. godinu nije bilo moguće predvidjeti potrebu za izvođenjem nepredviđenih radova koji su predmet ove javne nabavke. Obzirom da su predmet nabavke upravo nepredviđeni radovi, te da svako odlaganje njihovog izvršenja dovodi do negativnih posljedica i za ugovorni organ i za izvođača radova, a u konačnici i za javni interes, to se pristupilo primjeni odredbe člana 17 stav (3) Zakona o javnim nabavkama.

Na osnovu utvrđenog činjeničnog stanja, odlučeno je kao u članu I. ove posebne odluke.

Dostaviti:

- evidencija
- za objavu na web stranicu i registar
- a/a



Selmin Kovač, dipl. ing. saob.



Adresa: Hamida Dizdara 1, 71 000 Sarajevo
Tel:+387(0)33 560-402, Fax:+387(0)33 560-426
Web: <http://ms.ks.gov.ba>, E-mail: dp@dp.ks.gov.ba